



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Bellegambe è Societate Jesu Theologi,
Enchiridion Theologo Practicum Tripartitum, De Ivbilæo
Ecclesiastico**

Bellegambe, François

Coloniæ Agrippinæ, 1700

Q. 3. Quoties; quo die; quomodo facienda eleemosyna?

urn:nbn:de:hbz:466:1-42093

176 P. 3. De Jubilao extraordinario.
tur verba illa importare aliquid, quo
significatur habendam esse rationem
suae devotionis, & dictaminis inte-
rioris, ad elargiendam eleemosynam,
non scrupulosè, sed morali & bono
modo: minor tamen apud divites
sufficiet, quam si diceretur, pro cuius-
que facultate; ut etiam advertit Pater
quidam S. Theolog. Treviris Pro-
fessor, in suis Litteris ante plures an-
nos ad me Luxemburgi tunc com-
morantem datis. Idem videtur dicen-
dum, si dicat Bulla, prout cuique cha-
ritas suggesserit.

R. 3. Si Bulla exprimat, facien-
dam eleemosynam juxta cujusque fa-
cultatem; tunc non quævis sufficeret
pro quolibet etiam divite, ut volunt
aliqui apud Dianam p. 5. tr. 12. R. 14.
sed major à divite danda esset, quam
ab alio. Bonacina n. 18. Busenbaum
n. 14. Gobat n. 220. cum aliis.

Q. 3. Quoties; quo die; quomodo fa-
cienda eleemosyna?

R. 1. Ex vi Bullarum, saltem re-
centiorum, sufficit semel facere: quia
tantum

tantum præscribunt faciendam eleemosynam. Et, licet Bulla aliqua loqueretur de eleemosynis in plurali, ut Bulla Innoc. X. anno 1648. quam refert Gobat; satis fieret tamen propriis Bullæ verbis, si singuli ex lucraturis jubilæum, darent singulas eleemosynas. Gobat n. 219. ex Filliucio: sicut Sect. 4. q. 1. R. 2. ex eodem Gobato diximus, sufficietur unam processionem in singulis oppidis, etiamsi Bulla haberet indicendas processiones.

R. 2. Perinde est, quocumque die duarum hebdomadarum fiat eleemosyna, ante vel post Communione, etiamsi Communio fiat die Dominico. Graffius, Henriquez, Leo (qui dicit ita declaratum fuisse à Gregorio XIII.) citati & approbati à Dianâ p. s. rr. 12. R. 31. Gobat n. 224. Arsdekin.

R. 3. Satisfit, dando eleemosynam aliunde debitam, v. g. ex voto, ex charitate, ex pœnitentiâ. Est communis Doctorum, testibus Bossio

H. s apud

178 P. 3. De Jubilæo extraordinario,
apud Dianam illâ R. 31. Lugo n. 110.
& aliis passim. Vide P. I. sect. 3. q. 1.
ubi cum communi diximus, pro Ju-
bilæo satisfieri per opera aliunde de-
bita.

Nota. Sicuti, juxta Thomam San-
chez in Decal. l. 1. e. 14. n. 6. & Ca-
stropalao De Legibus disp. 1. pu. 19.
n. 6. contra Henriquez l. 7. c. 10. n. 6.
qui citat Sotum, non satisfaceret vo-
to vel pœnitentiæ de dandâ eleëmo-
synâ, qui daret fratribus, avis, pa-
rentibus taliter indigentibus, ut te-
neatur illis subvenire: ita nec satisfa-
ceret pro Jubilæo injungente eleë-
mosynam, qui illis, ita indigentibus
succurreret.

Ratio illorum est: Quia illa non
esset proprie eleëmosyna, sed solutio
debiti legalis, ad quam per Judicem
compelli potest, casu quo dives sit.
Item quia non esset elargitio paupe-
ri: pauper enim non est, qui jus ha-
bet postulandi alimenta; ut ex aliis
probat Surdus apud eundem Castro-
palaum. Verum si aliis consanguineis
tribue-

tribueret, satisfaceret: quia non teneture ex debito legali, illis alimenta præbere; ut probat Molina Jureconsultus, citatus ab eodem Palao. Vide & de hoc Tho. Tamburinum in *De cal. l. 5. c. 4. §. 4.*

R. 4. Satisfacis, si des per alium, v.g. œconomum, famulum, &c. Doctores communiter, ut adhuc diximus superius.

Sed, quid, si ille non det, sed sibi servet? Non sufficiet, secundum Bonacinam q. 1. pu. 5. n. 22. Cardinalem de Lugo n. 112. Homobonum, & alios, apud Dianam suprà; Bufenbaum n. 13. Gobatum n. 221. &c. Quia tunc reverà non datur eleemosyna, cùm non transferatur ejus dominium in pauperem, nec aliquis illius nomine acceptârit.

Sà tamen v. *Indulgentia*, n. 4. Lezana apud Gobatum; Dicastillo, *De Pœnit. tr. 9. disp. 2. n. 179.* Alloza v. *Indulg. Sect. 4. n. 24.* & alii, tenent contrarium: Quia quantum est ex tuâ parte, jam dedisti, & tradidisti

180 P. 3. De Jubilao extraordinario.
eleēmosynam. Et hanc opinionem
practicè probabilem & tutam existi-
mat Gobat n. 221.

R. 5. Non sufficit, si mittatur eleē-
mosyna ad pauperem distantem, ad
quem non perveniet intra hebdoma-
dam Jubilæi , nisi forte aliquis pro
paupere acceptavit. Lugo n. 112. &
alii, apud Dianam p. 5. tr. 12. R. 31.

R. 6. Satisfacit eleēmosyna data
illi quem puto esse pauperem, cùm
tamen reverà non sit, sed fingat se ta-
lem. Ratio est: Quia non est de ra-
tione eleēmosynæ, ut detur vero pau-
peri , sed ut detur ad sublevandam
hominis miseriam. Lugo n. 113. Go-
bat n. 222. Claud. Maillard Tract. gal-
lico De Jubil. p. 1. c. 19. n. 14. De Rho-
des §. 6.

R. 7. Censetur etiam dare eleēmo-
synam , qui pro se datam ab alio ra-
tam habet , dummodo hæc ratihabi-
tio fiat intra tempus concessum pro
Indulgentiâ consequendâ. Corduba,
De Indulgentiis q. 23. fine, Sà v. Indul-
gentia n. 4. Lugo n. 117, Bossius apud
Dianam

Dianam p. 5. tr. 12. R. 15. Gobat n.
216. nee dissentit Suarez, ut patet le-
genti, to. 4. disp. 52. sect. 7. n. 5.

Imò Gobat non requirit ratihabi-
tionem formalem, sed putat suffice-
re generalem & habitualem lucrandi
Jubilæum, & se juvandi per opera
quæ sibi sunt utilia, à se vel ab alio e-
jus nomine ponenda.

Sed hæc Gobati opinio non vide-
tur admittenda, ex Lugo n. 117. di-
cente, quòd si Prælatus det ex bonis
communibus eleemosynam pro om-
nibus subditis, ipsis ignorantibus
non satisficeret, nisi ipsi Religiosi
saltem intra hebdomadam, seu tem-
pus concessum, de quo antè diximus,
id legitimè scientes, ratum habeant.
Quia dare eleemosynam est actio
moralis, ad quam requiritur aliqua
cognitio & voluntas, ut constat. De-
bent ergo præmoneri de voluntate
Prælati dandi eleemosynam eorum
nomine: similiter & filii-familias de
voluntate parentis, si eorum nomine

H 7

datu-

182. P. 3. De Jubilao extraordinario.
daturus est parens. Consentit Clau-
dius Maillard sup. n. 15.

Q. 4. Quibus sit eroganda eleemosyna?

R. Pauperibus : quo nomine intel-
liguntur non solum ii, qui uon habent
necessaria ad naturam seu ad vitam
sustentandam ; sed etiam ii qui ca-
rent necessariis ad sustentandum sta-
tum juxta suam qualitatem & condi-
tionem. Lugo , De Justit. disp. 4. sect.
3. n. 27. ex Navarro & aliis , quos af-
fert & sequitur Sanchez l. 2. Consil.
c. 2. dub. 38. Diana p. 2. tr. 1. miscell. R.
8. citans multo a Theologos & Cano-
nistas : cum quibus dicit , nomine
pauperum intelligi etiam Loca pia ,
ut Hospitalia , Ecclesias indigentes
luminaribus , ornamenti, ædificiis,
& Monasteria Religiosorum ; qui-
bus etiam dari possunt bona, quæ re-
stituenda sunt , quando domino aut
eius hæredibus restitui non possunt ;
ut dicitur cùm tractatur de Restitu-
tione.

Q. 5. An præscriptio eleemosynæ ex-
tendatur ad omnes ?

R. Ex-